

元  
秘  
史  
注

元朝祕史卷十二

兔兒年

蒙韃備錄曰：韃俗既橫，每見其所行文，字猶曰大朝，稱年號曰兔兒年、龍兒年。

成吉思

命拙赤領右手軍去征林木中百姓。

本紀曰：二年丁卯，遣按彈不兀刺二人使乞力吉思。

此卽兔兒年征林木中百姓事也。前文卷九太祖對

豁兒赤說順額兒的失河林木內百姓從你下營，此

今阿爾台山以北近額爾齊斯河一帶地也。朔方備

乘曰：康熙三十九年，聖訓鄂羅斯地方遙遠僻處

西北隅，曩者遣人分畫疆界，卽獻尼布楚地以東爲

界。尼布楚等處原係布拉忒吳郎海諸部落地，彼皆

林居以捕貂爲業人稱爲樹中人後鄂羅斯強盛遂并吞之已五六十年矣恭譯 聖謨方知尼布楚以北西至金山有樹中人之稱此卽林木中百姓者也令不合引路

不合者木華黎之弟也木華黎傳世居斡難水東故與林木中百姓爲鄰

斡亦刺種的忽都合別乞比萬斡亦刺種先來歸附

斡亦刺元史本紀作猥刺部萬斡亦刺本紀無萬字紀云乃蠻太陽罕與蔑里乞部長脫脫克烈部長阿憐太石猥刺部長忽都花別吉諸部合兵勢頗盛帝

與戰禽殺太陽罕諸部軍一時皆潰明日餘眾悉降  
此卽忽都合別乞來降事也已而復征蔑里乞部其  
長脫脫奔太陽罕之兄卜魯欲罕元年帝卽位復征  
乃蠻擒卜魯欲罕太陽罕子屈出律罕與脫脫奔也  
兒的石河上三年再征脫脫及屈出律罕時斡亦刺  
部遇我前鋒不戰而降因用爲向導至也兒的石河  
討蔑里乞部滅之此斡亦刺後來歸附事也据史則  
斡亦刺本與蔑里乞爲鄰而近額爾齊斯河者也是  
爲林木中百姓之一

就引拙赤去征萬斡亦刺入至失黑失惕地面

萬斡亦剌影元槩本作禿綿斡亦剌蓋禿綿譯言萬數也事物異名數目門一萬蒙古語曰土滿土滿卽禿綿猶言眾耳入至失黑失惕之地蓋斡亦剌之南境以太祖三年紀考之卽額爾齊斯河上地耳

斡亦剌禿巴思諸種都投降了

据元槩本所列曰不里牙惕白巴兒渾兀兒速惕曰合合納思曰康合思曰禿巴昔其六部今按輟耕錄蒙古氏族有八魯忽歹疑卽巴兒渾兀兒速惕卽地理志西北地欽察注之阿速也合合納思卽地理志西北地之撼合納也志云猶言布囊口小腹巨地

形類此因名謙河所出也康合思疑卽昂可刺河其河在吉利吉思東北會謙河入北海志云昂可刺者因水爲名晝長夜短日沒時炙羊肋熟東方已曙唐史骨利幹國是也是皆林木中百姓矣

至萬乞兒吉思種處

元槩本作禿綿乞兒吉速惕譯言眾乞兒吉思種也元史地理志西北地附錄曰吉利吉思者初以漢地女四十人與烏斯之男結婚取此義以名其地南去大都萬有餘里及元朝析其民爲九千戶其境長一千四百里廣半之謙河經其中西北流又西南有水

曰阿浦東北有水曰玉須皆巨浸也會於謙而注於  
昂可刺河北入於海又曰謙州以河爲名去大都九  
千里在吉利吉思東南又曰至元七年詔遣劉好禮  
爲吉利吉思臧合納謙州益蘭州等處斷事官又本  
紀太祖二年遣按彈不兀刺二人使乞力吉思又哈  
刺八都魯傳曰世祖謂哈刺曰乃顏故地曰阿八刺  
忽者產魚今立城而以兀速憐合納思乞里吉思三  
部人居之名其城曰肇州劉郁西使記曰孛羅城迤  
西至麻阿中以馬撻拖床遞鋪或曰乞里乞四易馬  
以犬又虞集句容郡王碑曰土土哈掠地金山有詔

進取乞里吉思明年春次欠河云云則乞兒吉思地在金山以北近謙河也。國朝方觀承松漠草詩注曰阿爾泰之東有三十三庫伯其中峯特出者曰汗庫伯下臨希爾希吉思湖流泉飛瀑頗著靈秀云云今以湖名希爾吉思考之當卽元代乞兒吉思故址矣。

其官人也迪亦納勒等也歸附了。

元軀本敘其人名曰也迪曰亦納勒曰阿勒迪額兒

曰斡列別克的斤。

將白海青白騮馬黑貂鼠來拜見拙赤。



按本紀據元類  
本惟少敘列別  
見的一極

元朝神身 卷十二

四

本紀曰太祖二年野牒亦納里部阿里替也兒部皆遣使來獻名牒卽其事也

自失必兒等種以南

失必卽鮮卑之對音也北史曰魏之先出自黃帝軒轅氏子曰昌意昌意之少子受封北國有大鮮卑山因以爲號朔方備乘曰俄羅斯東土錫伯利部本鮮卑舊壤故有錫伯之名今黑龍江境有錫伯一種亦作席伯亦作席北旣非索倫亦非蒙古卽鮮卑遺民也一統志作西畢爾斯科瀛寰志略作西伯利文田案元史朮赤傳曰朮赤太祖長子也國初以親王分

封西北地極遠去京師數萬里驛騎急行二百餘日方達京師所云西北二字卽失必兒之對音柳邊紀略所稱席百一作席北又作西北在船廠邊外西南五百餘里云云亦指鮮卑遺族稱西北二字之證元史亦有直稱失必兒者玉哇失傳曰玉哇失阿速人與海都將戰於亦必兒失必兒之地此錫伯利之見元史者也

林木中百姓

朔方脩乘曰元時林木中百姓今俄羅斯阿穆哈拜商以南地也

拙赤都收捕了遂領著乞兒吉思萬戶千戶并林木中  
百姓的官人將著海青騮馬貂鼠等物回來拜見成吉  
思成吉思以幹亦刺種的忽禿阿別乞即忽都先來歸  
附將拙赤亦堅名的女子與了他的子亦納勒赤公主表不  
載將拙赤的女豁雷罕與了亦納勒赤的兄表亦不載  
將阿刺合名的女子與了汪古種

蒙麟備錄曰成吉思皇帝女七人二公主曰阿里黑  
百因俗曰必姬夫人曾嫁金國亡臣白四部死寡居  
令領白韃靼事日逐看經有婦女數千事之凡征伐  
斬殺皆自己出元文類二十三間復撰駙馬忠獻王

闕里吉思碑曰曾祖阿剌兀思剔吉忽里追封高唐  
忠武王曾祖妣阿里黑祖駙馬孛要合諡武毅王祖  
妣皇曾祖姑阿剌海別吉爲齊國太長公主太祖兵  
下中原忠武爲嚮導爲異議者所害武毅尙幼王妃  
阿里黑擊之夜遯逃難雲中太祖聞忠武死悼痛不  
已雲中旣下詔求王妃及武毅武毅自齟齬太祖攜  
征西域年十七封北平王尙齊國太長公主仍約世  
婚敦交友之好號按達忽荅元史諸公主表曰趙國  
大長公主阿剌海別吉太祖女適武毅王孛要合今  
按前文八卷汪古種主卽阿剌忽失的吉惕忽里也

三章元史卷一百一十二  
卻對拙赤說我兒子中你最長今日初出征去不曾教  
人馬生受將他林木中百姓都歸附了我賞與你百姓  
源流曰青吉斯汗令次子珠齊于托克瑪克地方卽  
汗位珠齊卽拙赤林木中百姓殆卽爾時稱爲托克  
瑪克矣

再命孛羅忽

勒征豁里禿馬惕種

卽孛羅兀

勒

元史作博爾忽本傳但云事太祖爲第

一千戶歿於敵不言禿馬惕事蓋雖名博爾忽傳實  
其曾孫月赤察兒傳耳禿馬惕史作吐麻部朔方備  
乘曰博爾忽傳之吐麻當在今俄羅斯東境白哈兒

湖左右此殆以禿馬二字爲上文都兒麻之對音都兒麻近額兒失水卽今額兒齊斯河地也

其官人歹都禿勒已死

博兒忽傳吐麻部主都刺莎合兒當卽此人

其妻孛脫灰塔兒渾管著百姓孛羅忽勒到時令三人於大軍前行至日晚入深林徑路閒不覺他哨望的人自後至將路截了殺了孛羅忽勒

本傳曰吐麻部旣服而叛太祖命博爾忽及都魯伯討平之博爾忽卒於其地元文類二十三元明善太師淇陽王月赤察兒碑卽孛羅忽勒之曾孫也碑云

姓許慎氏曾太父博兒渾自太祖早年已見神聖委  
心臣事大業肇基身餘百戰竟薨於敵是時官制簡  
古止爲第一千戶後封於淇州又食沅州六千戶贈  
推忠佐命著節功臣開府儀同三司太師上柱國追  
封淇陽王

太祖聞知大怒欲親征學韓兒出木合里諫止別命朶

兒伯朶

黑

申再去征

即元史之朶魯伯

朶兒伯朶

黑

申嚴整軍

馬於先行的把截處虛張聲勢卻從忽剌安不合獸行  
的小徑行去又恐軍人畏思不行令人各背條子十根  
若不行的用此懲戒每人又各將帶銚斧鋸鑿等器將

當路樹木除去行至山頂下視禿馬惕地面百姓如天  
窗上看下面一般大軍直進彼中不想卒到就筵席閒  
擲了。

在先豁兒赤官人忽都合別乞二人被禿馬惕擎住在

孛脫灰塔兒渾處其二人被擎的緣故因太祖許豁兒

赤娶三十妻事在前文四卷豁兒赤知禿馬惕女子生得美要

娶三十個致那百姓反了將他擎住太祖得知因忽都

合別乞知林木中百姓動靜所以使他去

据此語則禿馬惕百姓爲林木中之一種也。

也被他擎了旣收捕了禿馬惕後賞與了孛羅兀勒一



百禿馬惕的百姓

李羅兀勒有子脫歡襲職故可賞以百姓元明善淇陽王碑云博兒渾夫人鐵魁追封淇陽王夫人子脫歡嗣父官佐憲宗皇帝四征不庭贈推誠翊運佐理功臣開府儀同三司上柱國追封淇陽王

與了豁兒赤三十個禿馬惕的女子忽都合別乞處與了李脫灰答兒渾

太祖將百姓分與了母親及弟與諸子說其立國的是母親兒子中最長是拙赤史作赫諸弟中最小是幹惕赤斤

世系表曰烈祖神元皇帝五子次四鐵木哥斡赤斤  
所謂皇太弟國王斡噶那顏者也次五別里古台王  
云云是斡赤斤尙非最小此云最小是就同母四人  
言之蓋宣懿太后所生止四子也

母親并斡惕赤斤處共與了一萬百姓母親嫌少不  
留做聲兒子拙赤處與了九千察阿歹處與了八千  
斡歌歹處與了五千

世系表太祖六子次二察合台太子前文七卷作斡  
闊台九卷作斡歌台十卷以後皆作斡歌歹卽太宗  
英文皇帝史稱諱窩闊台者也

拖雷處與了五千

卽睿宗皇帝也世祖皇帝忽必烈之父

弟合撒兒處與了四千

本紀作哈撒兒世系表作捌只哈兒王烈祖神元皇帝之次子

阿勒赤歹處與了二千

世系表烈祖神元皇帝五子次三哈準大王哈準之子濟南王按只吉歹哈準卽前文一卷之合赤溫對音惟祕史合赤溫無戰功疑其早歿則此阿勒赤歹乃太祖親姪卽按只吉歹之對音也此阿勒赤歹與

前文十一卷之阿勒赤歹當是兩人此爲太祖親屬  
彼是亦魯該親人備宿衛者也

別勒古台處與了一千五百

世系表烈祖神元皇帝五子次五別里古台王祕史  
稱異母弟者也

有叔父蒼阿兒台因先曾從王罕太祖欲要廢他

卽把兒壇第四子蒼里台斡赤斤前文六卷作蒼阿  
里台者也祕史凡言廢者皆欲殺之

孛斡兒出等三人對太祖說自的家自壞如自的火自  
滅一般你的父親遺念只留得這個叔父怎忍廢他他

既不省事你可想著你父親休絕了。於是太祖心下辛酸應許著怒遂息了。

太祖於詞額命母親并幹惕赤斤處與了一萬百姓委付了古出等四個官人。

前文三卷作曲出十卷亦作古出蓋曲之與古本是對音故古出魯克元史亦作曲出律罕也。歐陽元偁氏家傳曰亞思弼次子岳璘帖穆爾精於偉兀書年十五以質子從太祖征討多戰功皇弟幹眞奏求師傅上命公公訓導諸王子以孝敦睦仁厚不殺爲第一義上聞嘉之則岳璘似卽四官人之一也。

拙赤處委付了忽難等三個官人

前文十卷忽難與闊闊搠思迭該兀孫額不干其四人此云三人者蓋以闊闊搠思改付察阿歹故也

察阿歹處委付了合刺察兒等三個官人

合刺察兒出於巴魯刺思氏見前文四卷

又說察阿歹性剛子細教闊闊搠思早晚根前說話者闊闊搠思卽闊闊搠思本以輔導拙赤以察阿歹與拙赤不相能故又改令闊闊搠思規諫之他日以大位與太宗而封二人於遠方蓋太祖有深意焉

斡歌歹處委付了亦魯等二人

前文十一卷有亦魯該太祖以其親人阿勒赤歹管  
千戶當卽與此亦魯爲一人也惟亦魯該親人阿勒  
赤歹與太祖之親人亦名阿勒赤歹一管千戶一管  
二千戶必非一人當分別之  
拖雷處委付了哲歹等二人

卽四卷之哲台十卷之者歹

合撒兒處委付了者卜客

帖列格禿第三子木華黎之叔父也見前文四卷

阿勒赤歹處委付了察兀兒孩

前文四卷作察兀兒罕者勒蔑之弟也七卷又作察

忽兒罕

晃豁塔歹種的蒙力克有七子

卽晃豁壇氏其先出於抄真幹兒帖該之子晃豁壇  
第四子名闊闊出爲巫喚做帖卜騰格理其兄弟七人  
比惡將太祖弟合撒兒打了來見太祖太祖正因他事  
怒閒說你平日說人不能敵如何卻被他打於是合撒  
兒垂淚起去三日不見太祖帖卜騰格理來說長生天  
的聖旨神來告說一次教帖木眞管百姓一次教合撒  
兒管百姓若不將合撒兒去了事未可知太祖聽了這  
話那夜就去拏合撒兒有古出等

古出卽曲出宣懿太后養子

將這



緣故對太祖母親訶額侖說訶額侖用白駝駕車連夜起行日出時到合撒兒處正見太祖將合撒兒衣袖拴住去了冠帶問的中間見母親到好生驚恐母親怒下車將合撒兒解了與了冠帶盛怒盤坐出兩乳置膝上問道您見了麼這是您喫的乳合撒兒何罪你自將骨肉殘毀初你小時曾喫了我這一個乳合赤溫斡惕赤斤兩個喫不了這一個乳惟合撒兒將我這二乳都喫了使我胸中寬快爲那般所以帖木真心有技能合撒兒有氣力能射但凡百姓叛的用弓箭收捕了如今敵人已盡絕不用他了太祖見母親怒息了卻說怕也怕

老若卒也蓋用  
老子物壯則老  
之語今江湖間  
語猶然下文字  
見帖所云久後  
你老了亦同師  
橫書所謂千秋  
萬歲後也

了羞也羞了說罷遂退後太祖不教母親知將合撒兒  
百姓奪去止與了一千四百後訶額侖得知心內憂悶  
所以早老了合撒兒處初委付的者卜客走入巴兒忽  
真地面去了

今俄羅斯巴爾古錫穆和屯在尼布楚城西北約七  
百餘里城西濱柏海爾湖東岸南有巴爾古錫穆河  
西注湖見朔方備乘

在後有九等言語的人都聚在帖卜騰格理處多如太  
祖處聚的人有幹惕赤斤的百姓也去投了幹惕赤斤  
使莎豁兒去取被帖卜騰格里打了韉著馬鞍在他身  
元明祕史 卷十二 三

上回來次日幹惕赤斤自去其兄弟七人圍著說你如何敢差人來取百姓欲要捶打幹惕赤斤恐懼說我不當差人他說你既不是當伏罪令於後面跪了幹惕赤斤於次日清早太祖未起時入去跪著說這緣故說罷哭了太祖未言中間孛兒帖兀真夫人欠伸

兀真卽夫人也嫌蒙古語未顯故綴以漢語

用被遮了胸垂淚著說他是如何的晃豁壇在前將合撒兒打了

蒙力克之先名晃豁壇晃豁壇者海都之孫抄真幹兒帖該子

如今又要幹惕赤斤跪是何道理你今見在他尙將你  
檜柏般長成的弟每殘害久後你老了如亂麻羣鳥般  
的百姓如何肯服你小的歹的兒子每箠說罷哭了太  
祖對幹惕赤斤說帖卜騰格理如今來時由你於是幹  
惕赤斤起身去準備了三個力士少頃蒙力克領著七  
子來帖卜騰格理至酒局西邊纔坐幹惕赤斤將他衣  
領摯住說你昨日教我伏罪我如今與你比試幹惕赤  
斤摯向外去中間帖卜騰格理帽落於火盆邊其父拾  
起嗅了置於懷中太祖說您出去鬪氣力摯著出時門  
限外原準備的三個力士迎著摯了將他脊骨折斷棄

於左邊車梢頭幹惕赤斤卻入去說帖卜騰格理昨日要我伏罪今日纔與他比試卻卧著了推辭不肯起元來也是平等的伴當其父蒙力克覺了垂淚說我自皇帝未起創之先做伴當到今日

烈祖被毒時以太祖託察剌合老人父子及王罕桑昆以許婚欲陷太祖非其諫止則危矣蒙力克功自可錄

纔說中間六子便塞著門圍著火盆立將起衣袖太祖驚起說教躲了我出去說罷出立帶弓箭的散班圍著立了太祖見帖卜騰格里已死使人用帳房遮了死尸

便起營去了。

帖卜騰格理死尸遮的帳房門與天窰初皆壓蓋了。令人看守。至第三日將曉天窰開著死尸自出去了。審視果然太祖說帖卜騰格理將我弟每打了。又無故讒譖的上頭天不受他連他身命都將去了。遂怪責蒙力克邁自的子不能教訓要與我齊等。所以將他送了。我若早知您這等德性只好教你與札木合阿勒壇忽察兒每一例廢了來。又說若早閒說的話。晚夕改了。晚閒說的話。早晨改了。莫不被人言說呵羞耻。因在先說定免你死。

前文九卷李幹兒出十卷李羅兀勑皆九次犯罪免  
罰餘人無免死明文然既與李幹兒出木含黎同受  
賞賜則必免死且九卷明云直至你子孫不絕則帶  
礪之盟矣其免死罪可知

有來罷怒遂息了自帖卜騰格理死後蒙力克父子每  
的氣勢遂消滅了

案元史忠義伯八兒傳伯八兒卽蒙力克之孫也伯  
八兒之父脫倫稱爲閭里必他日護從太祖征西域  
是但誅帖卜騰格理之外其子孫仍不失富貴見於  
正史者如此

元朝祕史卷十二

元明祕史

卷十二

七



元朝祕史卷十三

在後羊兒年

羊兒謂辛未當宋甯宗嘉定四年金衛紹王大安三年也耶律楚材湛然集有進庚午元厯序曰中元歲在庚午天啟宸衷決志南伐辛未之春天兵南度不五年而天下略定

成吉思征金國

金史衛紹王本紀曰衛紹王諱永濟世宗第七子章宗泰和八年遺詔立衛王卽位柩前大安三年四月大元太祖法天起運聖武皇帝來征元史本紀曰元

年丙寅始議伐金。初金殺宗親咸補海罕。帝欲復讐會金降俘具言金主璟暴虐。帝乃定議。然未敢輕動也。五年春金謀來伐。築烏沙堡。帝命遮別襲殺其眾。遂略地而東。初帝貢歲幣於金。金主使衛王允濟受貢於靜州。帝見允濟不爲禮。允濟歸欲請兵攻之。會金主璟殂。允濟嗣位。有詔至國。傳言當拜受。帝問金使曰。新君爲誰。曰。衛王也。帝遽南面唾曰。我謂中原皇帝天上人做。此等庸懦亦爲之耶。卽乘馬北去。六年辛未。帝自將南伐。

先取了撫州。

金史地理志曰西京路撫州鎮甯軍節度使遼秦國  
大長主建爲州章宗明昌三年復置刺史爲桓州支  
郡治柔遠明昌四年置司候司永安二年升爲節鎮  
軍名鎮甯撥西北路招討司所管密齊顯必喇王敦  
必喇拿憐朮花速宋葛斜忒渾四明安以隸之領縣  
四柔遠集甯豐利威甯通鑑輯覽注曰撫州地在今  
蘇尼特乾隆府廳州縣志曰鑲黃等四旗牧廠在張  
家口北百里金置撫州治柔遠縣正黃等四旗牧廠  
在張家口西北二百里金撫州集甯縣地正黃旗察  
哈爾在張家口西北三百二十里金爲撫州威甯縣

三庫元  
卷一  
二  
地外藩蘇尼特二旗在張家口北五百五十里本漢  
上谷及代郡北境後漢烏桓鮮卑居之唐爲突厥所  
據遼置撫州金屬西京路元爲興和路地明爲蒙古  
蘇尼特所據

經過野狐嶺

西游記曰度野狐嶺登高南望俯視太行諸山晴嵐  
可愛北顧但寒沙衰草中原之風自此隔絕矣元劉  
秉忠藏春集第二卷有過居庸關過也乎嶺詩也乎  
卽野狐矣王惲玉堂嘉話采張德輝紀行記又作扼  
胡嶺明金幼孜北征錄曰永樂八年發萬全過城北

見城西諸山積雪入德勝口山皆碎石若堆栗然入關兩峽石壁如削二十餘里上野狐嶺上指東南諸峯曰至此看山則盡在下矣明木增雲邁浹墨曰成祖北征至野狐嶺上有碑識曰嶺去天十八里其寒裂膚此地極北紫微北斗已向南觀元文類二十四忠憲王安同碑曰木華黎謚忠武太祖卽大位爲左萬戶從破金師二十萬於野狐嶺北師由紫荆口入讀史方輿紀要嶺在萬全縣北三十里

又取了宣德府

金史地理志曰西京路宣德州還改晉武州爲歸化

三  
州雄武軍大定七年更爲宣化州八年復更爲宣德  
領縣二宣德宣平元史地理志曰順甯府金爲宣德  
州元初爲宣甯府中統四年改宣德府據此則太祖  
取宣德時尙未升爲府蓋明人譚譯時以中統後地  
名入之

使者別古亦古捏克二人做頭哨至居庸關

金史地理志曰大興府昌平縣有居庸關國名查刺  
合黎方輿紀要曰居庸關在懷來縣錢良擇出塞紀  
略曰度居庸關山路崎嶇四十五里出關入平地名  
全道二十五里榆木驛二十五里懷來衛

見守禦的堅固者別說可誘戰於是把軍馬佯回了金家見了果然盡出軍馬追襲至宣德府山背上者別卻翻回衝著將金國陸續來的軍馬殺敗

本紀曰帝敗金將定薛於野狐嶺取大水澳豐利等縣秋七月命遮別攻烏沙堡及烏月營拔之八月戰於宣平之會河川敗之九月拔德興府居庸關守將遁去遮別遂入關抵中都

成吉思中軍隨後到來將金國的契丹女真等緊要軍馬都勝了

案元史兵志有契丹軍女直軍蓋皆伐金國時先後

來降者也。

比至居庸殺了的人如爛木般堆著。

宋謝采伯密齋筆記曰余嘗觀黏罕剋河東韓離不引大兵自涿州入安肅陷開封府至順河凡一百八十餘州八百七十五縣蹂踐殘滅何可勝紀而自貞祐元年十一月至二年正月鞬輶殘破河東河北山東山西復一十七府九十餘州鎮縣二十餘處數千里閒殺戮皆盡城郭邱虛金帛子女牛羊馬畜皆席卷而去屋宇悉皆燒燬此殺戮大果報也。

者別將居庸關取了。



元史札八兒火者傳曰金人恃居庸之塞治鐵錮關門布蒺藜百餘里守以精銳太祖進師距關百里不能前召札八兒問計對曰從此而北黑樹林中有閒道騎行可一人臣向嘗過之若勒兵銜枚終夕可至乃令札八兒輕騎前導日暮入谷黎明諸軍已在平地疾趨南口金鼓之聲若自天下金人猶睡未知也比驚起已莫支梧鋒鏑所及流血被野關旣破中都大震

成吉思入關至龍虎臺下了營

北征錄曰永樂八年二月十一日早發清河晚次沙

河十二日早發沙河午次龍虎臺十三日早發龍虎臺度居庸關云云則龍虎臺卽在居庸關內也何喬遠名山藏曰順天府北一百二十里曰居庸關秦始皇築長城居息庸徙於此淮南子九塞居庸關居一焉龍虎臺在居庸關內

遣軍馬攻取北平等郡

元史本紀曰皇子朮赤察合台窩闊台分徇雲內東勝武朔等州下之是冬駐蹕金之北境七年正月帝破昌桓撫等州金將紇石烈九斤率兵三十萬來援戰於糴兒觜大敗之秋圍西京金元帥左都監奧屯

襄率師來援帝遣兵誘至密谷口逆擊之盡殪復攻  
西京帝中流矢遂撤圍蒙韃備錄曰金虜聞韃人陷  
西京始大驚恐乃竭國中精銳以忽殺虎元帥統馬  
步五十萬迎擊之虜大敗又再刷山東河北等處及  
隨駕護衛等人馬三十萬令高琪爲大元帥再敗是  
以韃人迫於燕京城下是戰也罄金虜百年兵力銷  
折潰散殆盡其國遂衰後來凡圍河北山東燕北諸  
州等處虜皆不敢嬰其鋒

教者別攻取東昌不克

此元東昌路是時爲金之博州撰祕史者元人未暇

攷其沿革故以元地名入之金史地理志山東西路博州宋博平郡領縣五聊城堂邑博平茌平高堂元史地理志曰東昌路唐博州宋隸河北東路金隸大名府領縣六聊城堂邑莘縣博平茌平邱縣回了六宿卻翻回去每人牽從馬一匹晝夜兼行使金人不意中間將東昌取了

本紀曰冬十二月遮別攻東昌不拔卽引去夜馳還襲克之

者別取了東昌回來與成吉思相合初北平被攻時金王京丞相對金主說

元史本紀太祖八年金西京留守忽沙虎弑其主允濟迎豐王珣立之是時丞相則高琪也金史衛紹王本紀曰大安三年九月平章政事千家奴參知政事和碩自撫州退軍宣平河南大名路軍逃歸九月千家奴和碩敗績於會河堡居庸關失守大元前軍至中都中都戒嚴是時德興府宏州昌平懷來縉山豐潤密雲撫甯集甯東過平灤南至清滄由臨潢過遼河西南至忻代皆歸大元至寧元年八月右副元帥呼沙呼呂兵入宮自稱監國都元帥逼上出故邸遂使宦者李思中害上於邸九月甲辰宣宗卽位宣宗

本紀曰貞祐元年十一月將乞和大元詔百官議於  
尚書省十二月平章政事圖克坦公弼進尚書右丞  
相尚書右丞承暉進都元帥兼平章政事左副元帥  
珠格高琪進平章政事二年三月遣承暉詣大元請  
和

天地氣運大位子交代的時節敢到了達達每好強盛  
將咱勇猛的軍馬殺絕可倚仗的居庸關取了若再與  
他廝殺不勝呵只恐軍馬就潰散了

本紀曰八年秋七月克宣德府遂攻德興府皇子拖  
雷駙馬赤駒先登拔之帝進至懷來及金行省完顏

綱元帥高琪戰敗之追至古北口金兵保居庸詔可  
忒薄剌守之遂趨涿鹿金西京留守忽沙虎遁去帝  
出紫荆關敗金師於五回嶺拔涿易二州契丹訛魯  
不兒等獻古北口遮別遂取居庸與可忒薄剌會是  
秋分兵三道命皇子朮赤察合台窩闊台爲右軍循  
太行而南取保遂安肅安定邢洺磁相衛輝懷孟掠  
澤潞遼沁平陽太原吉陽拔汾石嵐忻代武等州而  
還皇弟哈撒兒及斡陳那顏拙赤斛薄剌爲左軍遵  
海而東取薊州平灤遼西諸郡而還帝與皇子拖雷  
爲中軍取雄霸莫安河間滄景獻深祁蠡冀恩濮開

滑博濟泰安濟南濱棣益都淄濰登萊沂等郡復命  
木華黎攻密州屠之史天倪蕭勃迭來降帝至中都  
三道兵還合屯大口是歲河北郡縣盡拔惟中都通  
順真定清沃大名東平德邳海州十一城不下九年  
甲戌春三月駐蹕中都北郊諸將請乘勝破燕帝不  
從乃遣使諭金主曰汝山東河北郡縣悉爲我有汝  
所存惟燕京耳天旣弱汝我復迫汝於險天其謂我  
何我今還軍汝不能犒師以弭我諸將之怒耶

莫若且歸附了達達皇帝敎他退軍若退了軍時咱那  
時再做商量也者又聽得說達達軍馬不宜水土見生



瘟病如今達達皇帝跟前與他女子金銀段匹試看從  
也不從金主說王京說王京者行省二字之譯文也得是遂歸附了  
成吉思將公主及金銀段匹等物教王京送與了成吉  
思

金史宣宗紀曰貞祐二年三月庚寅奉衛紹王公主  
歸於大元太祖皇帝是爲公主皇后本紀曰金主遂  
遣使求和奉衛紹王女岐國公主及金帛童男女五  
百馬三千以獻仍遣其丞相完顏福興送帝出居庸  
遂將攻城軍馬退了王京親送至莫州撫州山觜行辭  
回了

金史地理志曰河北東路莫州宋文安郡軍治任邱  
貞祐二年五月降爲鄭亭領縣一任邱元史地理志  
曰保定路本清苑縣唐隸鄭州金改順天軍又曰河  
閒路州六莫州唐置鄭州尋改爲莫領縣二莫亭任  
邱

軍人將金銀等物用熟絹拴定儘力馱去了  
成吉思自那裏征合申種

唐河西節度使地外藩相沿稱曰河西音轉爲合申  
耳今西套厄魯特游牧之所注見五卷七卷本紀曰  
歲乙丑帝征西夏拔力吉里寨經落思城大掠人民

及其橐駝而還二年丁卯再征西夏克幹羅孩城四年己巳帝入河西夏主李安全遣其世子率師來戰敗之獲其副元帥高令公克兀刺海城俘其太傅西壁氏進至克夷門復敗夏師獲其將嵬名令公薄中興府引河水灌之隄決水外潰遂撤圍還遣太傅訛荅入中興招諭夏主納女請和

其主不兒罕降

不兒罕卽夏主李安全之蕃名也注詳前文五卷將女子名察合的獻與成吉思

元史后妃表太祖察兒皇后守第三鄂爾多

說俺聽得皇帝的聲名曾怕有來如今俺與你做右手  
出氣力俺本是城郭內住的百姓若有緊急征進卒急  
不能到蒙恩賜時將俺地面所產駱駝毛段子鷹鷂常  
進貢皇帝說罷遂將本國駝隻科斂直至趕逐不動送  
將來了

元史謝仲溫傳曰父睦歡以貴雄鄉曲聞大兵南下  
轉客烏拉城太祖攻西夏過其城睦歡與其帥迎降  
成吉思那一次征進金主歸附了多得了段匹合申主  
歸附了多得了駱駝回至撒阿里客額兒地面下營了  
案撒阿里客額兒地在故乃蠻之東杭愛山之麓前

文八卷所謂者別二人至撒阿里客額兒遇乃蠻在  
康合兒合山頭哨望故知其地在康合山麓康合卽  
沆海又卽今杭愛也下文尙征金國太祖安得遽回  
杭愛此必將征西域諸國方在此地駐蹕爾否則卽  
回蹕行宮亦必不到撒阿里客額兒也本紀征金出  
居庸關後避暑魚兒灤則庶近情事以此時尙未回  
盤漠北耳

在後成吉思差使臣主卜罕等通好于宋被金家阻當  
了以此成吉思狗兒年再征金國

狗兒年者太祖九年甲戌當宋甯宗嘉定七年金宣

宗貞祐二年也

成吉思要自取潼關

本紀太祖末年謂左右曰金精兵在潼關南據連山北限大河難以遽破若假道於宋宋金世讐必能許我則下兵唐鄧直擣大梁金急必徵兵潼關然以數萬之眾千里赴援人馬疲敝雖至弗能戰破之必矣太祖之論如此故此次通好于宋本思假道其自取潼關亦以精兵之所在故也

命者別攻居庸關金主聞知命亦列等三人領兵守關亦列與移刺二字對音耶律楚材湛然集從容庵錄

序自稱曰移刺楚材金劉祁歸潛志凡姓耶律皆書  
作移刺此亦列卽移刺乃遼姓也其時金國有弘軍  
契丹軍均遼人故以遼將統之此遼將姓耶律也  
以忽刺安迭格列軍人做頭鋒把住關所謂女真軍也成吉思  
至關見金兵大至與他對敵金兵稍退拖雷古出二人  
橫衝其陣金忽刺安迭格列軍並亦列等軍大敗殺人  
滿野金主聞知遷都汴梁

本紀曰九年甲戌夏五月金主遷汴以完顏福興及  
參政抹撚盡忠輔其太子守忠留守中都六月金弘  
軍斫荅等殺其主帥來降詔三摸合石抹明安與斫

荅等圍中都秋七月金太子守忠走汴十年乙亥春  
正月金右副元帥蒲察七斤以通州降二月木華黎  
攻北京金元帥烏古倫寅荅虎以城降以寅荅虎爲  
留守吾也而權兵馬元帥鎮之興中府元帥石天應  
來降三月金御史中丞李英等率師援中都戰於霸  
州敗之夏四月克清順二州五月庚申金中都留守  
完顏福興仰藥死抹撚盡忠棄城走明安入守之遣  
乙職里諭金主以河北山東未下諸城來獻及去帝  
號爲河南王不從是秋取城邑八百六十有三石抹  
也先傳曰也先爲金人奚部長闡太祖起兵朔方匹



馬來歸言東京金根本可傳檄定也太祖命從木華  
黎爲先鋒也先謀知金人新易東京留守將至邀而  
殺之懷其誥命謂守門者曰我新留守也入據府中  
下令易置將佐部伍三日木華黎至得地數千里兵  
十萬降守臣寅蒼虎等四十七人金人喪其根本之  
地始議遷河南

其餘金兵困餓人皆相食成吉思歸以拖雷古出二人  
有功都賞賜了

成吉思至北平失刺客額地面時

此所稱北平卽今京師也在元爲大都路在金爲中

其稱皇城曰舊  
者鄭曉全言曰  
宏治甲子所中  
走回人云間所  
中欲據黃真黃  
娶者京城也云  
云彼之黃真即  
失刺客額兒之  
解也足見蒙古  
呼皇城為黃真  
矣

都路其稱北平者蓋明初譚祕史時削元人之舊  
稱用興朝之新號故曰北平也祕史凡言客額兒者  
大率建庭之所金人建都大興府貞元中定都時稱  
曰中都故蒙古語曰客額兒也失刺蓋皇城之義宮  
殿黃屋遼史語解曰黃喇黃色也是其義矣金史地  
理志曰中都路海陵貞元元年定都以燕乃列國之  
名不當為京師號遂改為中都府一領節鎮三刺郡  
九縣四十九鎮七大興府天會七年析河北為東西  
路時屬東路貞元元年更今名明人北平錄曰洪武  
元年秋七月征虜大將軍徐達副將軍常遇春會諸

至元十四年報王脫一水  
 東川去入寇詢却四凡  
 探先期大武強公瓦上  
 上為王體一著諸法數  
 刺乃八月大敗一輪敵  
 以得而亡大帳還諸  
 新之原十北平  
 今主別是是北平江  
 謂北平王師謂地不  
 且復多此地名不亦  
 漢北乃大郡也與之

將於臨清率馬步舟師進至通州元主聞報大懼集  
 三宮后妃太子北行出奔上都達等至齊化門外一  
 鼓而克全城八月破上都元主遂遁去沙漠駐應昌  
 府冬十月捷至詔改大都為北平府明何喬遠名山  
 藏曰順天府洪武初為北平府永樂初改為順天府  
 又案虞集句容郡王世績碑曰海都之叛皇子北平  
 王帥諸王之師鎮祖宗興龍之故地敗之斡歡河還  
 諸部之眾於北平則北平之名或始於元也

者別已得了居庸關引兵來會初金主遷都時命其臣  
 合荅留守燕京

本紀曰太宗三年克鈞州獲金將合達然皆非留守之職且非太祖攻燕時事金史衛紹王紀曰大安三年四月遣西北路招討使鈕鈷祿合打乞和似卽此合荅矣元史地理志曰大都路唐幽州范陽郡遼改燕京金遷都爲大興府

成吉思命汪古兒等三人往收其府庫計其金帛數目金臣合荅將金帛等物來獻與汪古兒等失吉忽禿忽說

四養子之一也是時爲斷事官太祖本紀曰太祖十年五月遣忽都忽籍中都帑藏卽是人也太宗紀曰

六年秋七月以胡土虎那顏爲中州斷事官亦卽此忽秃忽也元文類耶律楚材碑太宗卽位詔括戶口以大臣忽覲虎領之丙申七月忽覲虎以戶口來上議割裂諸州郡分賜諸王貴族以爲湯沐邑亦卽此忽秃忽也

昔者中都金帛皆屬金主

元史地理志曰十年克燕初爲燕京路總管大興府世祖改中都其大興府仍舊是中都者未改大都路以前之稱也

如今中都金帛已屬成吉思如何敢擅取遂卻其獻獨

象此時入侍者  
不可非太子守志

汪古兒阿兒孩合撒兒受其獻及事畢歸成吉思問三人曾受獻否失吉忽秃忽具陳前言成吉思責讓汪古兒賞賜失吉忽秃忽說汝可與我做耳目

金主至汴梁

元史地理志曰汴梁路金改南京宣宗南遷都焉金亡歸附領司一縣十七州五開封祥符俱倚郭

稽首歸附於成吉思仍令其子騰格里領百人入侍騰格里當是金主珣太子守忠之番名也

於是成吉思自北平經居庸關回

本紀曰十一年丙子還臚胸河行宮

命合撒兒領右手軍沿海自大甯

大甯者金之北京路大定府大定縣地此亦元人撰  
祕史時以元代地名入之也金史地理志曰北京路  
府四領節鎮七刺郡三縣四十二鎮七寨一堡五十  
六大定府中北京留守司遼中京統和二十五年建  
爲中京國初因之海陵貞元元年更爲北京置留守  
司元史地理志曰大甯路本奚都唐初其地屬營州  
貞觀中奚酋克都內附乃置饒樂郡遼爲中京大定  
府元初爲北京路至元七年改北京爲大甯路領司  
一縣七州九義州興中州瑞州高州錦州利州惠州

川州建州

經過女真

元史地理志曰開元路古肅慎地隋唐曰黑水靺鞨

唐初渠長阿固郎始來朝以其地爲燕州置黑水府

其後渤海盛靺鞨皆役屬之渤海浸弱爲契丹所攻

黑水復擅其地東瀕海南界高麗西北與契丹接壤

卽金鼻祖之部落也初號女真後避遼興宗諱改曰

女直元姚燧夾谷公神道碑曰女直古肅慎氏之國

語爲女真避遼興廟宗真諱改爲直

若便歸附卽緣彼中邊郡經浯刺納浯二江



渥刺卽烏喇之對音 國語謂江曰烏喇此指今黑  
龍江也納渥卽腦溫之對音此指今腦溫江也又作  
愛渥徐錫齡熙朝新語曰盛京長白山高二百餘里  
綿亘千里鴨綠混同愛渥三江出焉是也皆今盛京  
地龍沙紀略曰元入中土沿腦溫江黑龍江置驛江  
岸殘址猶有存者黑龍江源出北山其上游爲敖嫩  
河敖嫩源出阿母巴興安諸山之南東流六百里與  
科勒蘇河合又東北八百里受眾流爲黑龍江北會  
泥撲處河又三百餘里北流凡一千五百餘里復東  
南流六百里至額蘇里與精奇尼江合又曰腦溫江

源江在開原城  
 北九百里南流  
 入松花江不接  
 烏喇界內自北  
 流而北黑龍江  
 之外惟有諸尼  
 江不問有忽刺  
 江之名否云  
 田再榮盛京通  
 志略守官書凡  
 明人譯語一概  
 不取故云云此  
 不足承也當承  
 明一統志語  
 黑龍江外記舉  
 江明史謂之腦  
 溫江發源興安  
 嶺之伊勒庫里  
 山南流至黑龍  
 城西北又南

三  
 盛京通志作諾尼蒙古謂腦溫為碧今呼嫩江源出  
 宜呼爾山山在黑龍江之南興安嶺下江流自北而  
 南經查克達奇山之東額勒克爾山之西循墨爾根  
 城西門下抵卜魁城西門凡一千四百餘里與松阿  
 里江合東北流一千六百里北會黑龍江又四百里  
 南會烏蘇里江是名混同江江之南屬甯古塔其北  
 為黑龍江境內地合五江之水歷千餘里入海黑龍  
 江自西至東凡七千餘里精奇里江源以南松阿里  
 江源以北南北凡三千餘里朔方備乘曰黑龍江古  
 黑水也滿洲語曰薩哈連烏喇薩哈連謂黑烏喇謂

流至齊齊哈爾  
城東北折而西  
南入蒙古境受  
拖爾河亦經都  
爾伯特郭爾羅  
斯兩部出而東  
與混同江會

江也亦稱烏江又稱烏龍江上源曰敖嫩河元太祖  
始興地也自喀爾喀界內肯特山發源東流又東北  
流曰黑龍江東流經尼布楚城南又東北流額爾古  
納河自西南來會又東南流精奇里江自東北來會  
又南流經愛琿城西黑龍江城東而南流又東流入  
吉林三姓城界與混同江會又東流與烏蘇里江會  
又東北流入於海案祕史所云彼中邊郡者謂遼陽  
等處也元史地理志曰遼陽等處行中書省爲路七  
曰遼陽路曰廣甯府路曰大甯路曰東甯路曰瀋陽  
路曰開元路曰咸平府曰合蘭府水達達等路蓋大

甯文眞皆在此中

拆討浯兒河回營

討浯兒河元史地理志謂之脫幹憐以河得名也志曰合蘭府水達達等路元初設軍民萬戶府五撫鎮北邊一曰桃溫一曰胡里改一曰幹朶憐一曰脫幹憐一曰率苦江分領混同江南北之地水道提綱曰洮兒河亦曰桃爾河源出西興安山東麓有數源一曰奴查兔河東南流百餘里稍南曰郭武河東流又折東南數十里又南曰木什夏河兩源合東南流數十里折向東北百里與前兩河會東流會北來之查

木哈兔河又東南流數十里會北出厄白勒哈巴拉  
嶺南合二水之厄模克什忒河有卽白各兔河自西  
南亦來會以上皆源也又東南會北來之哭乞太河  
又東南會西南之忒門河又東會北來之多灰羅太  
河又東會北來之索灰兔河又西南來之卽拉呼太  
河又東南始號拖羅河又東南數十里有敖龍撒里  
河自北合三水來會又東折東南流數十里有得白  
忒河西自茶蒲乞勒庫哈達之北必郎烏山之南東  
北流來會又東南曲曲行三百里出山就沙地有歸  
勒里河卽貴勒爾河自西北合諸水東流來會洮兒

黑龍江外記曰  
唐書他滿河即  
今拖爾河一作  
洶兒河其源流  
千里並在蒙古  
境內至齊齊哈  
爾西南始與嫩  
江合

元朝志

卷十三

水

河既會歸勒里河東南流數十里分爲二派一南流  
一東南流十餘里又分一支先合南派又東南流二  
百里至喀沙兔駝之東南復合而東流百餘里又折  
東北曲曲流三百里至札賴特旗南匯爲納藍撒藍  
池猶言日月池也東流入嫩江嫩江既會洮兒河東  
南流入郭爾羅斯後旂界百數十里而松花江自南  
來會

不然卽縱兵勦捕合撒兒同主兒扯歹脫倫三人至大  
甯其城降

此今蒙古喀喇沁地也明何喬遠名山藏王享記曰

古肅慎國後漢曰挹婁魏曰勿吉隋唐曰黑水靺鞨  
唐開元中以其地爲蘄州置黑水府其後曰粟末靺  
鞨強盛號渤海黑水往屬之後渤海爲黑水所攻黑  
水復擅其地是金鼻祖也初號女真臣屬於遼遼  
號改女直至阿骨打而大滅遼爲金以其地爲大甯  
府元滅金設軍民萬戶府五分領混同江南北黑水  
達達及女直之人有合蘭府水達達路總攝之乾隆  
府廳州縣志曰外藩喀喇沁本二旗新添一旗春秋  
山戎地秦漢遼西境後漢爲鮮卑地晉爲慕容氏地  
元魏時庫莫奚居此唐初內附置饒樂都督府隸營

按宋王女真、王居人  
合和即滿洲萬加巴人  
本姓古乃不如此

州後分爲東西奚尋并於契丹遼統和中以故奚王  
牙帳建城號中京大定府金貞元二年更爲北京置  
留守司元初爲北京路總管府至元七年改爲大甯  
路二十二年改爲武平路後復爲大甯隸遼陽行省  
洪武中置大甯都指揮使司永樂初以大甯地賜三  
衛酋長朶顏後爲察哈爾所滅以其地予其塔布囊  
是爲喀喇沁

至女真其主亦降其餘城池悉來歸附遂泝討渚兒河  
回舊營了

其後太祖征回回爲其殺使臣兀忽納等百人



本紀曰十四年己卯夏六月西域殺使者帝率師親征遂取訛荅刺城擒其酋哈只兒只蘭禿卽此事也但擒酋在十四年殺使必在年前事矣明陳仁錫皇明世法錄曰默德那卽回回祖國地接天方有城池宮室田園市肆五穀繁滋大類江淮初國王謨罕驀德生而神靈西域諸國並臣服焉尊爲別諳拔爾華言天使也其教以事天爲本而無象日每向西拜天有佛經三十藏凡三千六百餘卷書兼篆隸楷西洋諸國皆用之國人善鑒識每於賈胡海市廉得奇琛故稱識寶曰回回種類散處南北爲色目人甚夥並

送式按此文以撒里黑崑爲撒

愈目胡鼻白布纏首俗以蜜爲酒以牛爲菜夫婦配  
 合必取水淋沐親死用布裹屍入棺鼓樂送至墓去  
 棺底掩以土禁食豕肉相傳驢豕交媾而生艾儒略  
 職方外紀曰中國之西北出嘉峪關過哈密土魯番  
 曰加斯加爾多高山產玉石二種牛羊馬畜極多因  
 不啖豕諸國無豕自此以西曰撒馬兒罕曰革利哈  
 大藥曰加非爾斯當曰杜爾格斯當曰查理曰加木  
 爾曰古查曰蒲加利得皆回回諸國也初宗馬哈默  
 之教諸國皆同云云案加斯加爾今喀什噶爾撒馬  
 兒罕卽元代尋斯干又卽祕史撒里黑崑杜爾格斯

馬見學之對建  
與唐人編未建  
之名正台前文  
以為算難對實  
有歧出之語  
矣

當今土爾其國也蒲加刺得今布哈爾亦非布哈拉也餘或隨時改變不盡可考矣

臨行時也遂夫人說皇帝涉歷山川遠去征戰若一日倘有諱四子內命誰為主可令眾人先知

四子謂尤赤察合台窩闊台拖雷也宗室世系表尙有二子其年蓋尙幼故不數

太祖說也遂說的是這等言語兄弟兒子并孛斡兒出等皆不曾提說我也忘了於是問拙赤我子內你是最長的說甚麼拙赤未對察阿歹說父親問拙赤莫不是要委付他他是篋兒乞種帶來的俺如何教他管

謂孛兒帖被篋兒乞擄去以配赤勒格兒故詆爲篋兒乞所生

纔說罷拙赤起身將察阿歹衣領拏住說父親不曾分揀你敢如此說你除剛硬再有何技能前文太祖云我察阿歹性剛我與你賽射遠你若勝我時便將我大指剝去我與你賽相搏你若勝我時倒了處再不起說了兄弟各將衣領拏著孛斡兒出木合里二人勸解

本紀作木華黎其封國王在十二年丁丑薨於十八年此時將征西域約在十三年也

太祖默坐閒有閹閹搨思說太祖使輔察阿歹早晚恨前說話察阿歹

你爲甚忙皇帝見指望你當您未生時天下擾攘互相  
攻劫人不安生所以你賢明的母不幸被擄若你如此  
說豈不傷著你母的心你父初立國時與你母親一同  
辛苦將您兒子每養大望你成人你的母如日般明海  
般深這等賢明你如何可這般說

太祖說如何將拙赤那般說我子中他最長今後不可  
如此說察阿歹微笑著說拙赤的氣力技能也不用爭  
諸子中我與拙赤最長願與父親並出氣力若有躲避  
的就便殺了幹歌歹敦厚可奉教訓於是太祖再問拙  
赤如何說拙赤說察阿歹已說了俺二人並出氣力教

韓歌歹承繼者太祖說你二人不必並行天下地面儘  
闡教您各守封國

元史朮赤傳曰朮赤者太祖長子也國初以親王分  
封西北地其地極遠去京師數萬里驛騎急行二百  
餘日方達京師朮赤薨子拔都嗣拔都薨弟撒里荅  
嗣撒里荅薨弟忙哥帖木兒嗣忙哥帖木兒薨弟脫  
脫忙哥嗣脫脫忙哥薨弟伯忽嗣伯忽薨弟月即別  
嗣據史文則拙赤封地史臣已不能指其地名蒙古  
源流云汗在時令長子察干岱于俄羅斯即汗位次  
子珠齊于托克瑪克即汗位三子諤德格依留守漢

位幼子圖賴守產據源流云云則察千岱卽察阿歹其封地爲俄羅斯珠齊卽拙赤其封地爲托克瑪克旣以察阿歹爲長子拙赤爲次子而託克瑪克又不能實指何地惟泰西洋人所著四裔年表云宋理宗寶慶二年蒙古成吉思汗卒以屬地分王四子第三子察噶台立國於波斯之土蘭是則託克瑪克卽波斯地以波斯人記本國事勝於蒙古之耳聞旣以波斯分與察阿歹自以俄羅斯分與拙赤則源流之誤乃少長之混淆一將名字互易而長次分地本自不訛又瞭然於託克瑪克確爲今之波斯國蓋波斯爲

回回祖國可卽元史旭烈兀傳所謂建庭於忽里模  
子之地者也祕史所云二人各守封國者至此始昭  
然矣

你二人說的言語各要依著休令人恥笑如在前阿  
壇忽察兒二人將自說的言語違了後如何了來如今  
他子孫見在教隨您每以爲鑑戒

元文類太師廣平王玉昔碑皇子察哈觴出鎮西域  
有旨從博爾朮受教博爾朮教以人生經涉險阻必  
獲善地所過無輕舍止謹白龍魚服之戒玉音謂皇  
子曰朕之教汝亦不踰是



又問幹歌歹如何說幹歌歹說父親恩賜教說我難說  
自己不能儘力謹慎行將去只恐後世子孫不才不能  
承繼我所言者如此太祖說幹歌歹既如此說中也者  
又問拖雷如何說拖雷說父親指名說的兄跟前忘了  
提說睡著時喚醒差去征戰時卽行太祖說是又說合  
撒兒阿勒赤歹幹惕赤斤別古台四個弟的位子裏  
阿勒赤歹蓋太祖弟合赤溫之子合赤溫是時已歿  
封阿勒赤歹爲後故曰四個弟也輟耕錄元宗室世  
系譜濟王哈赤溫生濟南王按只吉歹元史太宗紀  
八年詔以中原諸州民戶分賜諸王貴戚幹魯朵按

赤帶撥賜濱棣二州移剌涅兒傳子買奴從諸王按  
赤台征女直皆卽此阿<sub>勒</sub>赤歹之對音也王珣傳作  
諸王按只台張榮傳作按亦台那衍

他的子孫各教一人管的我位子裏教一箇子管

朮赤一域察阿歹一域斡歌歹一域各以一子管之  
非四子但立一子也

我言語不差<sub>不</sub>許違了若斡歌歹的子孫每都不才呵  
我的子孫每豈都不生一箇好的

原太祖幅員之廣東盡高麗西極拂菻南暨忻都北  
至北海眾建藩屏長駕遠馭自謂子孫帝王萬世之

廷式授元赤之  
後人有俄羅斯  
地者至明萬曆  
時始亡前後四  
百年又丁蒙古  
諸盟尚多元裔  
未嘗非太祖封  
建之力此段宜  
稍改衣

業也而其享國視漢唐宋爲最促百年之間日本喪  
其精銳海都闕於蕭牆奸臣內訌羣寇外叛數萬里  
之繡壤遂羣起而亡之豈得謂封建郡縣非兼而用  
之哉有取天下之力而無治天下之法及夫土崩瓦  
解曾不能據幹難之涓流保和林之片壤天之所壞  
人不能支雖同姓受封遠符姬籙非劉不王潛契漢  
鼎亦何益焉觀其垂裕之謀詎云不密揆其效驗事  
與願違吳起有云山河非險有天下者可爲鑑已  
太祖差人去對唐元惕主不兒罕說

以本紀考之太祖四年西夏納女請和其時夏主爲

李安全十四年太祖征西域上一年十三年伐西夏  
其時夏主爲李遵瑱也

你先說與我做右手如今回回百姓殺了我使臣要去  
與他折證你可與我做右手不兒罕未及言語其臣阿  
沙敢不說你氣力旣不能不必做皇帝不肯與軍太祖  
聞此語說阿沙敢不如何敢這般說將我這軍馬運去  
征他也有何難但我初意本不征他若天祐護回回處  
回來時卻去征他

免兒年

十四年己卯卽宋甯宗嘉定十二年

太祖去征回回命弟幹惕赤斤居守以夫人忽蘭從行  
命者別做頭哨

元史巴而朮阿而忒的斤傳曰與者必那演征罕勉  
力鎖潭回回諸國將部曲萬人以先紀律嚴明所向  
克捷案罕勉力卽勉力罕之倒文下文箴力克之對  
音也鎖潭卽算灘元文類五十七宋子貞撰耶律楚  
材碑曰己卯夏六月大軍征西禡旗之際雨雪三尺  
上惡之公曰此克敵之象也庚辰冬大雷上以問公  
公曰梭里檀當死中野已而果然梭里檀回鶻王稱  
也按梭里檀亦卽算灘之對音耶律楚材集進征西

庚午元歷表云庚辰聖駕西征駐蹕尋斯干城

速別額台倣者別後援脫忽察兒倣速別額台後援令  
三人自回回住的城外繞去不許動他百姓待太祖到  
時卻夾攻者別如命從箴力克王城邊經過不曾動他  
百姓

本紀十六年辛巳秋帝攻班勒紇城班勒紇即箴力  
克對音也西游記有班里城亦即此箴里克對音記  
云泝河東南行三十里乃無水即夜行過班里城甚  
大其眾新叛去尙聞犬吠即敘此箴力克事也又曰  
西域主與滅里可汗合忽都忽與戰不利帝自將擊

之擒滅里可汗滅里可汗卽篋力克王也西域水道  
記曰喀什噶爾西方有墨克國墨克殆卽篋力克城  
矣

至第三次脫忽察兒經過搶了百姓的田禾篋力克王  
走出與回回王札刺<sub>勒</sub>丁相合領軍迎太祖廝殺

本紀曰十七年壬午夏西域主札蘭丁出奔與滅里

可汗合

太祖命失吉忽禿忽做頭哨與札刺<sub>勒</sub>丁對陣敗了

本紀曰忽都忽與戰不利

將追及太祖處者別等三人自札刺<sub>勒</sub>丁後至將札刺

勒丁勝了

本紀曰帝自將擊之擒滅里可汗札蘭丁遁去  
欲入不合兒城不得

不合兒城今布哈爾也亦作布哈拉本紀作蒲華城  
又作卜哈兒城傳又作不花城別書又作花兒又作  
蒲花羅皆對音字也紀曰十五年庚辰春三月帝克  
蒲華城夏五月克尋思干城十六年辛巳春帝攻卜  
哈兒薛迷思干等城蓋旣爲太祖所攻克先得布哈  
爾并得薛迷思干故兩國之主欲入布哈爾城不得  
也地理志西北地附錄篤來帖木兒所轄有不花刺



哈散訥傳太祖征西域下不花刺等城不花刺卽卜  
哈兒也趙汝适諸蕃志曰大食國據諸蕃要衝舟車  
輻輳蒲花羅等皆其屬國耶律留哥傳曰帝征西域  
留哥旣卒長子辟闐扈從帝曰辟闐從朕征西域回  
回圍太子於哈瑪爾城辟闐引千軍救出之身中槊  
又於蒲華擄思干城與回回格戰傷於流矢以是積  
功爲拔都魯耶律楚材贈蒲察元帥詩閒乘羸馬過  
蒲華又到西陽太守家蒲花羅蒲華卽今所云布哈  
爾也西域聞見錄曰布哈拉回國也在葉爾羌之西  
馬行二十五日可至城池堅厚闊大周圍十二門以

十二辰布之稱其君曰汗西域水道記曰蘇提布拉克嶺東爲回部西爲霍罕霍罕西十五程曰布哈爾亦大國新疆賦注曰布哈爾距葉爾羌四十日程直追至申河軍馬溺死者殆盡

申河今印度河唐時名新頭河者也海國圖志七十引長阿含經曰阿耨達池南有新頭河從獅子口出從五百河入西南海元好問遺山集大丞相劉氏先塋碑曰車駕征契丹餘族是爲西遼戰合只破之遂征遜丹之斜迷思干普花見拒印度噠木連破其軍二十萬今案遜丹卽算端或作算灘或作瑣魯檀斜

迷思卽辟迷思干大城也。普花卽不合兒城也。噴木連卽申河。西域謂河曰木連也。祕史有刊木連西使記有昏木輦西游記有吹沒輦皆木連二字對音。卽印度河矣。南懷仁坤輿圖說曰印度河長四千里入海口處闊一百六十里。

獨札刺

勒

丁與篋力克逆申河走去。

四裔編年曰宋甯宗嘉定十三年波斯王馬罕米古里卒。子吉刺丁嗣立。及嘉定十五年蒙古來攻。王奔印度。次年降于蒙古。至嘉定十九年蒙古以波斯分王四子。其第三子察哈台立國於土蘭。所云吉刺丁。

卽札剌丁之對音矣元史速不台傳曰壬午帝征回  
回國其主滅里委國而去命速不台與只別追之及  
於灰里河只別戰不利速不台駐軍河東戒其衆人  
爇三炬以張軍勢其王夜遁復命統兵萬人由不罕  
川必里罕城追之凡所經歷皆無水之地旣度川先  
發千人爲游騎繼以大軍晝夜兼行比至滅里逃入  
海不月餘病死此卽篋力克逆申河走去事也  
太祖逆申河攻取了巴惕客辭城

沈刑部曾植曰此卽經世大典及元史地理志西北  
地附錄之巴達哈傷今巴克達山地也

至子母河巴魯安客額兒地面

元史地理志西北地附錄有地名八哈刺因卽巴魯安對音本紀十八年夏避暑八魯斡亦卽巴魯安之對音也

下了營命巴刺追札刺

勒丁等

巴刺本札刺亦種人見前文四卷本紀曰遣八刺追之不獲

以者別速別額台兩人有功賞賜了以脫忽察兒違令欲廢了後不曾只重責罰不許管軍

宗室世系表脫忽大王太祖兄撈只哈兒王之第三

子

太祖自回回地面歸

西游記曰壬午九月至邪迷思干大城上駐蹕於城之東二十里六日入見二十有六日卽行十二月三日東過霍閭沒輦大河至行在癸未正月十有一日馬首遂東二十一日東遷一程至一大川東北去賽蘭約三程二月上七日入見上曰朕已東矣據此文則太祖自回回歸在十八年正月後

命拙赤察阿斡歌斡三子領右手軍

本紀曰十八年夏避暑八魯灣川皇子朮赤察罕台

高闊台及八刺兵來會遂定西域諸城置達魯花赤  
監治之

過阿梅河

元史憲宗紀以阿兒渾充阿母河等處行尙書省事  
卽此阿梅河之對音矣又作阿木河憲宗紀六年以  
阿木河降民分賜諸王百官明世法錄曰迭里迷去  
哈烈二千餘里在撒馬兒罕西南東距阿木河河廣  
非舟不渡多魚河東地隸撒馬兒罕河西有蘆林多  
獅子又作暗木河郭寶玉傳曰次暗木河敵築十餘  
壘陳船河中俄風濤暴起寶玉令發火箭射其船一

時延燒乘勝直前破護岸兵五萬斬大將佐里遂屠諸壘收馬里四城西域水道記曰阿母河在鐵門關之南憲宗三行省西域居其二別失八里行省控制西域左地阿母河行省控制西域右地世祖卽位舊阿母河行省不立官司矣程大理同文西游記跋曰阿母河其水今西北流入騰吉思海

至兀籠格赤城下營

本紀曰十六年辛巳秋皇子朮赤察合台窩闊台分攻玉龍傑赤等城下之

命拖雷往亦魯等城下營



本紀曰十六年辛巳冬皇子拖雷克馬魯察葉可馬魯昔刺思等城十七年壬午春拖雷克徒思匿察兀兒城還軍經木刺夷國大掠之渡撈撈闌河克也里等城遂與帝會合兵攻塔里寒寨拔之

拙赤等至兀籠格赤下營了

元史曷思麥里傳曰帝親征至辭迷思干與其主札刺丁合戰于月亦心揭赤之地敗月亦心揭赤按月亦心揭赤當作月戀揭赤戀俗書作恋故譌卽此兀籠格赤也通鑑輯覽注曰和闐回部所屬六城有玉隴哈什城蓋卽元時所謂玉龍城也西域水道記曰

程武宗此云等  
城有古文也元

和闐河西源曰哈喇哈什河東源曰玉龍哈什河太  
祖紀分攻玉龍傑赤是也河產玉良其餘哈喇哈什  
桑谷樹雅哈朗歸山四處又新疆賦注曰張匡鄴行  
程記載于闐玉河三其白玉河卽今玉龍哈什河綠  
玉河卽今哈喇哈什河烏玉河卽今阜窪勒河  
差人來說如今俺三人內聽誰調遣太祖教聽幹歌石  
調遣

以拙赤察阿歹不相能而太宗能服之他日太祖崩  
諸王擁戴太宗卽位蓋亦根源於此  
至是太祖得了兀都刺兒等城

此注甚誤

戰本譯語內有  
其高麗見城縣  
米思加下城似  
當悉出於注以  
備攷校

按沈莊以鎮海  
為西游記之八  
刺喝係在金山  
以東

國朝陳履中河套志曰榆林府靖邊縣靖邊營宋之  
兀刺城也延安遠在其南長城近列於北明撤內地  
兵以守此非以其衝要乎又曰兀刺宋所築之城也  
卽今哨馬營在延安府南三百二十里大邊在北一  
里明移保安縣兵屯此哨馬又謂之范將軍馬營文  
正公舊跡也本紀曰十四年帝親征遂取訛荅刺城  
訛荅刺卽兀都刺之對音蓋此城得之最早矣  
於回回王過夏的阿勒壇豁兒桓山嶺處過夏了

元史鎮海傳命屯田於阿魯歡立鎮海城戍守之案  
阿勒壇豁兒者今黃河源稱為阿勒坦郭勒對音字

也植字卽夸闌二字之合音猶云營盤也新疆賦注  
曰羅布淖爾潛行千五百里東南至巴顏哈喇嶺之  
麓爲阿勒坦噶達素齊老伏流始出其地有巨石高  
數丈岸壁皆土作黃赤色壁上有天池流水百道皆  
黃金色東南流注爲阿勒坦郭勒又東北流三百里  
有泉數百泓錯列如星爲鄂敦搭拉卽星宿海阿勒  
坦郭勒入其中挾諸泉東北流是爲黃河西域傳補  
注曰蒙古語謂黃金爲阿勒坦故名其地曰阿勒坦  
也羅布淖爾伏流湧出歛爲百道皆黃金色東南流  
爲阿勒坦河又東北流三百里入鄂敦搭拉中卽元

史火敦腦兒譯言星宿海者也

就等候巴刺

遣追札刺勒丁於欣都思故待其還

差人去對拖雷說天氣暑熱可來與我相合此時拖雷

已取了亦魯等城

前注引本紀所云也里城即亦魯對音

正攻出黑扯連城

出黑扯連今印度北有地名西刻即出黑之對音也

海國圖志引外國史略曰五印度西刻地在後藏南

長七百六十里闊百三十里與後藏交界多山嶺遍

元樂本作亦魯  
亦口辭不見音  
思田等城  
廷式等出黑扯  
連與西刻音不  
近

地江流乃印度五支江所派也其都曰拉合其舊  
至此縱樂又有雲勒悉城王所藏庫處莫但城乃製  
造絲緞之處所屬之谷曰加治彌耳高於海面五百  
八十丈所環之峯最高者約千七百丈冬夏積雪不  
消昔大蒙古之君夏時於此納涼爲加治彌耳國之  
名勝地

至城破方回來與太祖相合

本紀曰十九年帝至東印度國角端見班師

拙赤察阿歹斡歌歹三人得了兀籠格赤城將百姓分  
了不曾留下太祖處分子及回太祖三日不許三子

此史記本合里事  
謂張必身為之  
說

延式案本文云  
木合里等說則  
言者不止一人  
疑當時諸臣奏  
章乃因木合里  
官最尊以之領  
拜猶唐書元載  
殺郭子儀名故  
事其未知然否  
又案元載本  
作學齡兒出不  
合黎失言忽秀

入見木合里等說

按本紀十三年木華黎自西京入河東十四年屠絳  
州十五年徇真定攻東平趨洛州徇河北十六年出  
河西攻延安十七年克乾涇等州攻鳳翔十八年春  
三月薨未嘗從征西域此云木合里說當是十七年  
自關中疏陳耳

不服的回回百姓已屈服了分了的城池及分要的兒  
子皆是皇帝的天地祐護既屈服了回回百姓俺眾人  
皆歡喜皇帝如何這般怒兒子每既知不是已怕了在  
後教他謹慎可以著他來見太祖怒遂少止教拙赤等

來見太祖依舊怪責三子恐懼流汗有帶弓箭的晃孩  
晃塔合兒

前文四卷之晃荅豁兒當卽此人

搠兒馬罕等三人向前說

後文十四卷亦作綽兒馬罕

三子如初調習的鷹雛一般方纔出征如此怪責恐向  
後學上的心怠慢了如今日出入所在皆是敵人將俺  
如西番狗般使去天若祐護將敵人勝了凡金銀匹帛  
都將來獻又說這西邊有巴黑塔惕種的百姓合里伯  
王



巴黑塔卽巴達二字之對音合里伯則阿刺伯國是其地西使記曰報達國南北二千里其王曰合法里其城有東西城東有大河西城無壁壘東城固之以甃其國俗富庶爲西域冠其國六百餘年傳四十主土人相傳報達諸胡之祖故諸胡皆臣服諸蕃志作白達趙汝适諸蕃志曰白達國係大食諸國之一都會自麻囉拔國約陸行一百三十餘程過三十餘州乃到國極強大軍馬器甲甚盛王乃佛麻霞勿直下子孫相襲傳位至今二十九代經六七百年大食諸國或用兵相侵皆不敢犯其境王出張阜蓋金柄城

市衢陌民居豪侈多寶物珍段少米魚菜人食餅肉  
酥酪產金銀琉璃白越諾布國人以好雪布纏頭及  
爲衣服七日一次削髮剪爪甲一日五次禮拜天遵  
大食教故諸國歸敬焉職方外紀曰百爾西亞西北  
諸國皆爲度爾格所并有國曰亞刺比亞中有大山  
名西乃上古之世天主垂訓召一聖人美瑟於此賜  
以十戒著於石版云云其云百爾西亞者今白西卽  
古之波斯度爾格者今土耳其地亞刺比亞卽阿刺  
伯又卽祕史之合里百對音也外紀作於天啟初年  
据此則合里百自萬厯以前并入於土耳其故不自

爲一國今西人所傳乃故阯矣瀛環志略曰阿剌伯  
回教初興之國也北界東土耳其其東界波斯及阿  
富海南距印度海西抵勒爾西海長四千餘里廣三  
千餘里其地西南濱海一帶腴壤中央戈壁古爲土  
夷散部恒役屬於波斯陳宣帝大建元年有摩哈麥  
者生於麥加少年爲商往來西國娶富商之寡遂致  
大富不識字而性聰敏以佛教拜偶象爲非思別創  
教門以白高異入山讀書數年著書曰可蘭入其教  
者焚香禮拜念經禁食豬肉唐高祖武德四年避難  
於麥地拿一作默土人靡然從教徒黨日眾不入教

者率眾攻之兵敗徒散收合復起遂滅大敵據阿刺伯全土鄰部皆畏從之故回教遂蔓延西土當其盛時嘗翦滅波斯薦食羅馬據阿非之全境裂歐羅之西垂縱橫三土幾於無敵後爲土耳其所攻屬藩盡失日就衰微卒乃納貢於土耳其稱藩國焉西域稱摩哈麥爲派罕巴爾華言天使也其苗裔稱和卓木華言神裔也麥地拏爲摩哈麥葬處斂以鐵棺每歲諸回回來兩地禮拜近者數千里遠者數萬里接踵膜拜以數萬計阿刺伯地分六部古條支國也回教旣興乃有天方天堂等名其國在波斯之西南前明

時累次朝貢多由西域陸路明初鄭和等由海道使西洋至天方而止稱爲西洋盡處彼蓋由印度海駛入紅海遂以爲海盡於此而不知小西洋之外尙有大西洋也

可命那裏出征太祖道是怒遂息留晃孩晃塔合兒二人命搠兒馬罕征合里伯王去了

按元史憲宗三年紀命諸王旭烈兀及兀良合台征西域哈里發八哈塔等國八年諸王旭烈兀討回回哈里發平之擒其王遣使來獻捷則此役至憲宗方竣事所云哈里發卽合里伯也八哈塔又卽西使記

之報德矣

再欣都思種

此今印度國官書稱溫都斯坦又作痕都斯坦者也  
乾隆府廳州縣志曰溫都斯坦亦西域回國之大者  
葉爾羌西南行六十日至克什米爾復西南行四十  
餘日至溫都斯坦水亦可通境內江河皆通海洋時  
有閩廣海航到彼停泊其東北卽克什米爾國瀛環  
志略曰緬甸之西兩藏之西南有廣土突入南海形  
如箕舌所謂印度者也漢書謂之身毒又稱天竺六  
朝以後釋典皆僞印度今稱溫都斯坦一作痕都文

作忻都又作興都一音以華文譯之遂人人殊凡外國地名皆類此印度有五地形入海之處爲中南兩印度東印度東界緬甸北連後藏北印度雪山拱抱東爲後藏之邊徼西爲西域之札布卽布哈爾東南部落西印度跨印度河與西域之阿富汗俾路芝接壤東西約五千餘里南北約七千餘里境內名水二東曰安額河發源西北東南流至孟加拉雅魯藏布江從東北來會之入海印度人稱爲靈水佛書所謂恒河者也西曰印度河發源後藏之阿里西行繞雪山之背至北印度之北界轉而南行北印度諸水會

職方外紀曰印  
第且在中國之  
西南即天竺五  
印度也在印度  
河左右國人面  
皆紫色其南土  
頗曉天文亦善  
百工技巧無第  
札以鐵鑿樹葉  
爲書國王之統  
例不世及以弟  
妹之子爲嗣親  
子弟結祿自勝  
男子以尺布纏

之至信地入海其地爲佛教所從出故自古著名自  
後漢通中國唐時屢入貢趙宋時爲回部所侵割元  
起北方太祖征服西北印度世所傳遇角端而迴兵  
者至憲宗朝復征服中印度以宗王駙馬分王其地  
東南諸部皆聽役屬由是五印度爲蒙古別部元末  
駙馬帖木耳王撤馬兒罕威行西域印度諸國皆臣  
服

巴

黑塔惕種兩閒有阿魯等種

巴

黑塔惕種卽報達國也但報達國東有大河爲今

之阿

勒富海亦名東紅海自紅海以東爲今波斯國



實至足城黃者  
 曰邊離門次曰  
 乃勒大抵泰佛  
 其地有加得山  
 自立夏至秋分  
 無日不雨反是  
 則片雲不合酷  
 暑難堪地產象  
 又有獸名獨角  
 類同一角極能  
 解瘴又有獸如  
 牛兩角一在鼻  
 上一在項背間  
 百獸懼伏骨肉  
 反角可諸皆藥  
 也西洋貴重之  
 名曰龍涎  
 元點作阿魯種  
 馬者撒里枝阿  
 小秃城於文較

地又東爲阿富汗及俾路芝之地俾路芝一名忽魯謨  
 斯其東爲印度河與印度分界所謂欣都思也考元  
 史欣都印度身毒等名雜出太祖本紀十九年帝至  
 東印度國角端見此印度也憲宗本紀二年秋七月  
 命諸王秃兒花撒邱征身毒此身毒也三年夏六月  
 命塔塔兒帶撒里士魯花等征欣都思怯失迷兒等  
 國此欣都思也三名雜出而本自對音總是欣都思  
 國也此合里伯王爲今時之阿刺伯國然元史亦二  
 名雜出憲宗本紀三年夏六月命諸王旭烈兀及兀  
 良合台等帥師征西域哈里發八哈塔等國六年兀

詳似宜悉出以  
致致錄

元朝秘史

卷十三

聖

畏合台討白蠻等克之八年諸王旭烈兀討回回哈  
里發卒之似以合里發與八哈塔爲兩國又多白蠻  
之名不讀秘史不知合里發是合里伯與阿剌伯之  
對音此爲國名八哈塔是巴黑塔與報達之對音此  
爲種類今欣都思與巴黑塔兩種之間元時名阿魯  
卽今之阿富汗及忽魯謨斯與波斯三國也瀛環志  
略曰阿富汗回部大國也北界布哈爾東界印度南  
界印度芝西界波斯東西二千餘里南北千餘里其  
國本波斯東境明正德初有巴卑爾者自立爲國康  
熙中波斯衰亂乘勢并其全土越十七載波斯復興

滅阿富汗。阿富汗王子收復故土，仍與波斯并立。俾路芝在阿富汗之南，亦回部也。東接東印度，西接波斯，南臨印度海，東西約一千七八百里，南北約六七百里。國無王，分六部，各有酋長。其立國不知所自始。明初，鄭和使西洋，乃有忽魯謨斯國名。泰西人舊圖阿富汗，俾路芝皆歸入波斯回族，分爭遂別成部落。耳波斯回部大國，東北連沙漠，界布哈爾、東界阿富汗、俾路芝，西接東土耳其，北抱裏海，與俄羅斯接壤。南抵阿勒富海，與阿刺伯、毘連長約四千餘里，廣約三千里。雄富多寶貨，與中國貿易最早。所云碧眼波

斯胡也。唐初回教興於阿剌伯。波斯與之鄰國。爲所奪。由是爲回回大部。元末駙馬帖木兒據撒馬兒罕。富強無敵。今蔥嶺以西裏海以東諸回部皆撒馬兒罕所屬。遣其子沙魯哈據波斯。稱哈烈國。明永樂閒嘗入貢。爲諸部之首。後爲土耳其部人所奪。傳二百餘年。衰亂尋爲阿富汗所并。康熙中故王裔恢復舊土地。分十一部。唐初阿剌伯人摩哈麥創立回教。因起兵攻阿剌伯。奪其國。時波斯衰弱。爲摩哈麥所并。故自唐以後波斯遂爲回回國。以上皆徐中丞繼畬志略語。可以爲印度阿剌伯兩國中間之證。但波斯

一國今昔異界元太祖時之回回國本是波斯其南  
界濱海之地乃阿魯之部落故既逐回回國王又并  
收此阿魯部落也阿魯卽忽魯二字對音元史旭烈  
兀與拔都等克馬扎兒部遂留鎮西域建庭於忽里  
模子之地元之忽里模子卽明之忽里謨斯惟元代  
建庭至明初尙沿其號所以鄭和使西洋有此國名  
而不見於唐宋良由元史太略祇有蛛絲馬迹可以  
尋求元人明人及西人各就所見述之詳彼略此自  
所不免蛛絲馬跡踪而跡之在於學人耳

命朶兒伯朶

黑申去征進

元史  
 康鄰  
 乞卜察元  
 巴只召  
 察無康鄰  
 音或即與  
 欽察連地  
 而統屬於  
 欽察均難  
 臆解其十  
 一部落曰  
 康鄰曰欽  
 察亦作乞  
 卜察曰幹  
 魯思曰阿  
 速祇此見  
 於祕史餘  
 七部史無  
 明文速不  
 台傳丙子  
 帝會諸將  
 討蔑里乞  
 部主霍都  
 奔欽察明  
 年奏請討  
 欽察隨引  
 兵繞寬田  
 吉思海轉  
 至太和嶺  
 遇其部長

再命速別額台勇士征迤北康鄰等十一部落

前文九卷蔑兒乞的忽都合勒赤刺溫過康里欽察  
 種去此云康鄰即是康里里之與鄰一聲之轉猶脫  
 幹鄰亦稱脫幹里也元史地理志西北地附錄有欽  
 察無康鄰欽察之上有阿蘭阿思或阿蘭本康鄰對  
 音或即與欽察連地而統屬於欽察均難臆解其十  
 一部落曰康鄰曰欽察亦作乞卜察曰幹魯思曰阿  
 速祇此見於祕史餘七部史無明文速不台傳丙子  
 帝會諸將討蔑里乞部主霍都奔欽察明年奏請討  
 欽察隨引兵繞寬田吉思海轉至太和嶺遇其部長

溫陽即轉發恩  
 阿札勒惕即馬  
 札兒客失米兒  
 印克什述保阿  
 溫與史同餘皆  
 又按元史  
 西北地附錄之  
 撒耳柯思即薛  
 兒客連惕也不  
 樹阿耳即李刺  
 兒也撒吉刺即  
 撒連惕也巴耳  
 外邦即巴只吉  
 特無由詳知  
 地耳  
 式案元史恩  
 當作恩臘王  
 也今俄羅斯  
 稱其主曰恩  
 臘是其後

玉里吉及塔塔哈兒方聚於不租河眾潰走又至阿  
 里吉河與幹羅斯部大小密赤思老遇一戰降之大  
 掠阿速部而還此即太祖命速別額台征康鄰事也  
 曷思麥里傳曰帝遣使趣哲伯討欽察命曷思麥里  
 招諭曲兒忒失兒灣沙等城悉來附至谷兒只部及  
 阿速部皆敗降又招下黑林城進克幹羅斯於鐵兒  
 山獲其國主密只思臘獻諸朮赤太子誅之尋征康  
 里至亭子八里城與其主霜脫思可汗戰又敗其軍  
 進至欽察亦平之此皆太祖朝征迤北康鄰等十一  
 部落事

渡亦的勒札可黑二水

此今俄羅斯國入裏海之烏拉河及佛兒格河也知  
卽此二水者前文九卷古出魯克與忽都合勒赤刺  
溫由金山渡額爾齊斯河而西元兵亦渡河而西則  
必渡二水始至俄羅斯之莫斯科窪此俄羅斯歷古  
建庭之地當爲欽察國自康熙四十年始西遷彼得  
羅堡也朔方備乘曰裏海者大地中央巨澤也蔥嶺  
之西水皆西流最大者北曰納林河南曰阿母河皆  
注於鹹海卽古稱雷鵒海也鹹海之西有巨澤曰裏  
海蒙古語謂之騰吉斯鄂模距鹹海不過數百里而



廣大數倍南北約三千餘里東西約千里受西北諸國之水汪洋似海而不通大海故名裏海逾裏海以西卽俄羅斯東南境伊犁之北曰哈薩克其右部之北曰北哈薩克北哈薩克西北約四百里卽烏拉嶺烏拉河出焉西南流千數百里至阿斯達拉罕東境入裏海佛兒格河一曰窩爾牙河東南流七千餘里入裏海河源出倭斯瑪城之西北四百里外窩集中東南流又西南流鄂噶河自西來會又東流喀穆河自東北來會又西南流逕薩拉多傅城又南流始名額集爾河一作額濟勒河又東南流分數派入裏海

今案先渡亦的勒故知卽烏拉河次渡札牙黑故知  
卽佛爾格河也捏古刺傳曰憲宗朝與也里牙阿速  
三十人來歸也里牙似卽窩爾牙河蓋也字與額音  
近額兒齊斯河亦云也兒的石河是其例也阿速卽  
河地理志云阿速以水爲名也

直至乞瓦兒綿客兒綿等城

四裔年表曰宋甯宗嘉定十四年元太祖自蒙古伐  
俄羅斯俄國志略曰宋理宗嘉定時有蒙古人成吉  
思之子名拖雷者率兵至俄國西鹹海旁之地後又  
帶兵至裏海繼又至尼泊河征服小國無算俄國率

眾小邦戰於卡爾夏河之上該河入於阿薩夫海亦  
爲所敗案尼泊河卽烏拉河亦卽亦的勒水卡爾夏  
河卽佛兒格河亦卽札牙水也乞瓦綿客兒綿不  
見於它書明代西洋人撰職方外紀稱俄羅斯國曰  
莫斯科未亞核其地段卽今莫斯科窪之對音然則  
乞瓦綿客兒綿當卽其一故曰直至也蓋直抵其都  
矣

太祖再取了回回各城命人鎮守有姓忽魯木石

蓋卽忽魯謨斯國之宗族故姓忽魯謨斯譯字不同  
故作忽魯木石也其地在西域之中東控身毒西連

大食拂菻故元代建庭於此以旭烈兀領之蓋征西域時建議於是人不始憲宗矣職方外紀曰百爾西亞南有島曰忽魯謨斯在赤道北二十七度其地悉是鹽否則硫黃之屬草木不生鳥獸絕迹人著皮履遇雨過履底一日輒敗多地震氣候極熱人須坐臥水中沒至口方解又絕無淡水勺水亦從海外載至其艱如此因其地居三大州之中凡亞細亞歐羅巴利未亞之富商大賈多聚此地百貨駢集人烟輻輳凡海內珍奇之物取之如寄土人言天下若一戒指此地則戒指中之寶物也明王圻稗史彙編曰忽魯

謨斯國邊海倚山各處番船雲集民皆富饒舉國皆  
回回教每日三次禮拜人青白魁偉衣冠濟楚娶妻  
則男家請教門官主婚飲食用酥油市有燒羊燒雞  
燒薄餅哈里撒一應麵食以銀鑄錢名底那兒國無  
酒館飲酒棄市土產各番寶物

名牙刺洼赤的回回父子二人

牙刺洼赤元史昔班傳作闊里別幹赤對音字也傳  
云聞太祖北征領兵來歸從征回回國數立功自請  
爲本國坤闔城達魯花赤從之卽其人也坤闔卽忽  
魯二字之轉聲旭烈兀傳忽魯模子卽其地模子蓋

城郭之稱也元史阿剌瓦而思傳曰阿剌瓦而思回鶻八瓦耳氏事其國爲千夫長太祖征西域駐蹕八瓦耳之地率部曲來降卽其人也

自兀籠格赤城來見太祖

太祖十六年下玉龍傑赤城時駐蹕鐵門關

因其能知城池的緣故之地形險易遂命其子馬思忽惕與

鎮守官一同管不合兒等城

乾隆府廳州縣志曰巴克達山居蔥嶺中南境漢時

當爲烏秣國地國之西有布哈爾等回國

又命阿剌洼赤管北平

趙武泰元葉木  
作不合兒辭米  
思歷兀籠格赤  
元丹乞思合兒  
元里羊古先答  
鄭等城於文較  
詳宜悉出於注  
以備攷訂

太宗紀十三年命牙老瓦赤主管漢民公事憲宗紀  
元年以牙刺瓦赤充燕京等處行尙書省事世祖紀  
憲宗令斷事官牙魯瓦赤總天下財賦於燕視事  
太祖征回回七年

本紀書十四年親征至二十年還行宮

初命巴剌追回回王札剌勒丁并篋力克王追過申河  
直至欣都思種地面

郭寶玉傳曰辛巳可弗父國唯算端罕破乃滿國引  
兵據搆思干城聞帝將至棄城南走入鐵門屯大雪  
山寶玉追之遂奔印度卽此回回王至欣都思事也

通代御覽  
地輿記  
夏大熱人處水中印度即漢身毒也  
於是大祖遂回至額兒的石地面過夏  
當在十九年甲申  
第七年雞兒年秋  
太祖二十年乙酉是為宋理宗寶慶元年

西游記曰辛巳十月至荅刺速河逢東夏使回使者  
曰七月十二辭朝帝將兵追算端汗至印度  
根尋不見回來卻將欣都思邈城百姓的駝羊都擄了  
四裔年表嘉定十七年蒙古伐印度西使記曰印毒  
國去中國最近軍民一千二百萬戶民居以蒲為屋  
夏大熱人處水中印度即漢身毒也  
於是大祖遂回至額兒的石地面過夏  
當在十九年甲申  
第七年雞兒年秋  
太祖二十年乙酉是為宋理宗寶慶元年



廷式案元鼎本  
作齡兒益思突  
兒諱云宮裏也  
然則和林行宮  
創於太祖時沈  
森謂太宗始建  
者誤也齡兒系  
即窩耳系

回到秃刺河黑林的舊營內

耶律楚材湛然居士集有過夏國新安縣詩作于丁  
亥九月望日詩云昔年今日度松關原注云西域陰  
山有松關計楚材扈從太祖征西域是與太祖同度  
陰山當在九月十五日其云昔年者係由丁亥年逆  
憶乙酉九月望日也楚材集載辨邪論序稱乙酉日  
南至敘於瀚海軍之高昌城則九月望日回到松關  
九月末回到和林也又楚材集從容庵錄序甲申中  
元序于西域阿里馬城楚材扈從太祖則近額兒的  
石水者卽阿里馬城也今伊犁之地是也輟耕錄曰

太和皇帝駐師西印度忽有大獸其高數十丈一角如犀牛然能作人語云此非帝世界宜速還左右皆震懾獨耶律文正王進曰此名角端乃旄星之精也聖人在位則斯獸奉書而至且能日馳萬八千里靈異如鬼神不可犯也帝卽回馭元文類耶律楚材碑云上次東印度國鐵門關侍衛者見一獸鹿頭馬尾綠色而獨角能爲人言曰汝君宜早迴上怪而問公公曰此獸名角端日行一萬八千里解四夷語是惡殺之象蓋上天遣之以告陛下願承天心宥此數國人命竇陛下無疆之福帝卽日下詔班師明張翼清

賞錄第十一卷引耶律楚材扈從西征記曰北印度  
土人不識雪歲二月麥盛夏置錫器于沙中尋卽鎔  
鑠馬糞墮地爲之沸溢及角端等事皆古今傳記不  
載

元朝秘史卷十三